

Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh

(ciep banjdaeuz)

(3) Mboengq “Cibhaj Haj” gij hwngfat guek raeuz bungzdaengz bienqvaq fukcab dangqmaz. Gij gvanhaeh guek hung yiendoengh gozci hingzsei, gij hingzsei gozci bienqvaq doiq ndaw guek hwngfat gauwnyaux youqgaenj, guek raeuz hwngfat cawqyouq mboengq canloz seizgei caeuq fungyiemj deuqnyex caez miz, gaiq nanz liuh hoj dingh de gyalai. Daj gozci daeuj yawj, seiqgyaiq bak bi boekbienq gyavaig yienjbienq, gij ligliengh gozci doxbeij gaenq bienq lairaeuh, lwnz gohgi gwzming caeuq canjnieb bengwz moq gyavaig cungbyoengq, guek raeuz bwhmiz haujlai diuzgienh ndei ndaej youq gozci gag caeuzveh baijbouh aen gyanghoeng canloz, dajcauh vanzging bailhrog. Doengzseiz, seiqgyaiq bienqluenh doxgeuj, fubfab gyahaenq, deihiyenz doxdawz heih fat lai fat; yiengh mbiengj dog gag goq, yiengh cuk ciengz gag humx ndiengq hwnj, yiengh baengh ak guhvuengz haephangz swng hwnj, gij bouhloh guhfap gaicawx gwnz seiqgyaiq bungzdaengz deuqnyex yiemzhaenq, gij rengz nyoengx hawj seiqgyaiq ginghci demmaj mbouj gaeuq; guek hung doxdax engqgya fukcab haenqrem. Daj ndaw guek daeuj yawj, gij ginghci guek raeuz giekdae onj, gijndei lai, rengzniu ak, rengzndumj hung, gij diuzgienh dingjcengj caeuq gaenbonj byaijiengq ciengzgeiz coh ndei mbouj bienq, gij ndei aen cidu sevei cuji miz gij daegsaek Cungguek, gij ndei hawciengz gveihmoz hungloet, gij ndei aen canjnieb diji caezcingj, gij ndei vunzcaiz laidaih engqgya yienh okdaeuj. Doengzseiz, aen vwndiz hwngfat mbouj bingzyaenx mbouj cukgaeuq vanzlij doedok; gij caencingq aeuyungh mbouj gaeuq, yiengh daih baenqloek ndaw guek lij miz giz gaz giz saek; rengznyoengx gaeuq moq cienjvuenh yinvu gannanz hungloet; yiengh yendaiva nungzyez lajmbanj miz di nguhaeng; couhnieb caeuq gihminz souhaeuj demmaj atlig haemq hung, baujcanj beksingq gwndaenj miz giz dinj giz nyieg; gapgya vnzgyaeuq bienqvaq hawj ginghci hwngfat, ndawbiengz ceihleix daengj daezok goqdae moq; aen lingjyiz cungdenj vanzlij miz fungyiemj huxndumj.

Boekbienq hamz miz seizgei, deuqnyex gik ok ceiqheiq. Daengx Dangj aeu laegdaeux rox daengz “song aen doekdingh” ndaej gietdingh guh baenz hongsaeh, gyaak “seiq aen roxyiuj”, dawzdingh “seiq aen gagsaenq”, guh daengz “song aen henho”, baujcz rengzdingh canloz, gyaak gij saenqsim itdingh ndaej hingz, lailai rox bienq wngq bienq gouz bienq, gamj doucwng, rox doucwng, mbeilaux najdoi doengh yiengh gaujniemh hungnaek rumz hung fwn naemq engqlij raemx git langh haenq, baengh gagrox doinyoengx lizsij bae gung nanzgvan, dingj fungyiemj, coux deuqnyex, comz rengz banh ndei gij saeh swheij, ciepij sien sawfaenz moq ginghci hwngfat riengjvaiq caeuq ndawbiengz ciengzgeiz onjdingh song yiengh mbouj bingzciengz neix, haenqrengz haicauh aen buenzmienh moq hwnqguh gij yendaiva yiengh Cungguek.

Ngeih, Mboengq “Cibhaj Haj” Gij Fuengcim Cijdaux Caeuq Gij Cujyau Moegbiu Ginghci Sevei Fazcanj

(4) Mboengq “Cibhaj Haj” gij swhsiengj cijdaux ginghci sevei fazcanj. Dawzmaenh Majgwzsw Lezningz Cuiji, Mauz Cwzdungh Swhsiengj, Dwng Siujbingz Lijlun, “Sam Aen Daiyauj” Cungyau Swhsiengj, Gohyo Fazcanjgvanh, cienzmienh gvancez Aen Swhsiengj Sevei Cuiji Miz Gij Daegsaek Cungguek Seizdaih Moq Siz Gimbngz, haeujaeg gvancez gij cingsaenz Ngeihcib Daih caeuq gaiq ngeihcib gak baez cienzhoih aen Dangj, hopheux cienzmienh hwnqbaenz aen guekak sevei cuji yendaiva, guhbaenz gij moegbiu buekguh aen bak bi daihngaih, aeu gij yendaiva yiengh Cungguek bae cienzmienh doicaenh Cunghvaz Minzcuz fukhwng hungmbwk, doengbuenz maeuzveh doicaenh aen cungjdae baijbouh “haj yiengh gap baenz aen”, dox boiqhab doicaenh aen canloz baijbouh “seiq aen cienzmienh”, maeuzveh ndei ndaw guek rog guek song aen daihbuenz, caezcingj cinjdeng cienzmienh gvancez gij leixniemh hwngfat moq, gyavaig laebhwnj aen gvaenghgaq hwngfat moq, dawzmaenh aen goekdiuh guhhong youq ndaw onjdingh gouz baenaj, dawzmaenh aeu ginghci gensez guh cungsim, aeu doidoengh yiengh hwngfat coh ceiq ndei guh cawjdae, aeu gaijgwz cauhoq guh gaenbonj doenghlig, aeu muenxcuk yinzminz gij aeuyungh gvaq saedceij gyaeunde ngoenz beiji ngoenz demmaj haenx guh gaenbonj muzdiz, aeu cienzmienh yiemzhaenq guenj Dangj guh gaenbonj baujcanj, doidoengh ginghci guh daengz caetliengh caencingq daezswng caeuq soqliengh hablex demmaj, doinyoengx bouxvunz cienzmienh fazcanj, daengxcungq yinzminz doengzcaez fouqmiz byaij ok yamqdin maenhsaed, saedbauj daihdae guhbaenz sevei cuji yendaiva aeundaeg gij cincanj miz gietdingh cozyung.

(5) Mboengq “Cibhaj Haj” gij yenzcwz ginghci sevei fazcanj bietdingh aeu ciuqei haenx.

—Dawzmaenh yienghyiengh aeu Dangj lingjdauj. Laemxsim henho gij gienzvi caeuq gyonjcomz lingjdauj Dangjuncunghyangh, gyaak gij bonjsaeh aen Dangj dawz fuengyiengq, maeuz daihbuenz, dingh cwngeuz, coi gaijgwz, dawz aen Dangj lingjdauj ronz gvaq ginghci sevei fazcanj gak fuengmienh goekbyai bae, vih guek raeuz hwnqguh sevei cuji yendaiva daezhawj gaenbonj baujcwng.

—Dawzmaenh aeu yinzminz cuengq youq vih daih’ it. Gingquncungh aen diegvih aeu yinzminz guhdaeuz, baengh maenh yinzminz, henho gij leih’ ik gaenbonj yinzminz, coinyoengx ndawbiengz goengbingz cingqngaih, yawjnaek youq mwh hwngfat bae baujcanj caeuq gaijndei gwndaenj beksingq, youq mwh muenxcuk gij aeuyungh beksingq bae haigvangq aen diendeih hwngfat, doinyoengx ginghci caeuq sevei doxdaengh hwngfat, vuzciz vwnzmingz caeuq cingsaenz vwnzmingz doxik doxbouj, hawj gij cingzgoj hwnqguh yendaiva aeundaeg de engq lai engq goengbingz dwk ik doh daengxcungq yinzminz.

—Dawzmaenh yiengh hwngfat coh ceiq ndei. Aeu yiengh leixniemh hwngfat moq dazyinx hwngfat, yawj dieg dingh geiq bae hwngfat yiengh swngchanjiz rengzmoq, guh ak ndaw guek daih baenqloek, hawj ndaw guek rog guek baenqloek doengrat bae, doengbuenz maeuzveh gyadaih ndaw guek aeuyungh caeuq haeujaeg gaijgwz gij gapgya mbiengj gunghawj, gyavaig gungganq yiengh rengznyoengx moq, coinyoengx gapgya ginghci gaijndei hwnj mbaek, guh ndei gij demlai, buenzhoengh gij gaenq miz, doinyoengx ginghci lienzdaemh cangqheiq hwngfat caeuq ndawbiengz yienghyiengh guh ndei baenaj.

—Dawzmaenh cienzmienh gyalag gaijgwz. Cimdaij gij diji gihci gazgit hanhhaed yiengh hwngfat coh ceiq ndei, doicaenh guh gij gaijgwz caengzlaeg, gyadaih yiengh hailangh suiibingz sang, doinyoengx swngchanj gvanhhi caeuq swngchanjiz, sangcwnz gencuz caeuq ginghci giekdae, guekgva ceihleix caeuq ndawbiengz hwngfat engq doxngamj, lienzdaemh demlai gij rengz coi hwngfat caeuq gij rengzhoengh ndawbiengz.

—Dawzmaenh aen hawciengz mizyauq caeuq aen cwngfuj ak guhsaeh dox giethab. Lilai hawj hawciengz bae gietdingh boiqceiq swhyenz, engq ndei langh rengz cwngfuj okdaeuj, cauhaeb aen diji hawciengz doengzcaemh, hailangh, beijk, miz bouhloh, laebguh yiengh ginghci fapceih, yiengh ginghci saenqyungh, dajcauh aen vanzging guh gaicawx maenhndei hab hawciengz, hab fapceih, hab gozci, guh baenz yiengh guenj ginghci gawq “cuengq ndaej hoengh” youh “guenj ndaej maenh”.

—Dawzmaenh doengbuenz maeuzveh hwngfat caeuq ancienz. Youq ndaw hwngfat gyamaenh ancienz, youq ndaw ancienz maeuzaeu hwngfat, lilai ngeixnaemj daejsienq, ndeindei fuengzre vaqgej gak yiengh fungyiemj, gyarengz hawj ginghci caeuq sevei engq naihniu, aeu yiengh ancienz moq baujcanj yiengh hwngfat moq.

(6) Mboengq “Cibhaj Haj” gij cujyau moegbiu ginghci sevei fazcanj.

—Yiengh hwngfat coh ceiq ndei aeundaeg cingzyauq yienhda. Ginghci demmaj dingx youq ndaw duenh hablex, daengx gaiq yausu swngchanj yauqlwd cungj onjbouh daezswng, aen soq gihminz siufeiq mingzyienj raen lai, geu rengzdaeuz gij aeuyungh ndaw guek rag hwnj ginghci demmaj laebdae bae gyaak, gij rengzndumj ginghci demmaj ndaej lilai langh okdaeuj, dajcauh aen hawciengz hung daengx guek caezcaemh ndaej guh haeujaeg, gijndei aen hawciengz gveihmoz hungloet lienzdaemh yienh’ ok, gij gunghyezva, sinsizva, cwngzcinva, nungzyez yendaiva yienghmoq byaij ok yamq laux, hwngfat yiengh swngchanjiz rengzmoq, laebhwnj aen gvaenghgaq hwngfat moq, dajcauh aen diji ginghci yendaiva ndaej miz cungbyoengq hungnaek.

—Gohgi gag guh gag ak bonghyat hwnj sang. Aen diji cauhoq guekgva cingjdae raenhamq yienhda, yiengh gapgya gyauyuz gohgi vunzcaiz doengzcaemh hwngfat daihdae cauxbaenz, gij bonjsaeh guh gihcu yenzgiu caeuq baeznduj cauhoq dem’ ak yienhda, gij gisuz ceiq youqgaenj aen lingjyiz cungdenj gung roengz vaiqvwt, aen lingjyiz caez buet lingx buet demgya raen lai, gohgi cauhoq caeuq canjnieb cauhoq yungzhab haeujaeg, baengh cauhoq gaexnyoengx gohgi fazcanj yied daeu yied raen ak.

—Caiq cienzmienh gyalag gaijgwz ndaej miz cungbyoengq moq. Aen diji ceihleix caeuq gij bonjsaeh ceihleix guekgva baenz yendaiva doinyoengx haeujaeg, aen diji yiengh hawciengz ginghci sevei cuji engqgya caezcienz, gij diji gihci doiq rog hailangh suiibingz sang de engqgya caezcienz, yiengh yinzminz minzcuij ronz goek daengz byai baenz cidu, hab gveihfan, ciuq bouhloh haenx suiibingz caiq hwnj sang, hwnqguh aen guekgva fapceih sevei cuji hwnj mbaek engq sang.

(ciepij banj)